

INKONZO YETHU YOMBUSO

NOVEMBER 2013

IVIKI ELIQALISA NGO-NOVEMBER 11

Ingoma 119 loMthandazo

❑ Isifundo seBhayibhili seBandla:

jl Izifundo 5-7 (30 imiz.)

❑ Isikolo seNkonzo samaKhristu:

Ukubalwa kweBhayibhili: KumaHebheru 1-8 (10 imiz.)

No. 1: KumaHebheru 4:1-16 (4 imiz. kumbe engaphansi)

No. 2: Singatshengisa Njani Ukuthi “Silokuhlakanipha Okuvela Ezulwini”?—Jak. 3:17, 18 (5 imiz.)

No. 3: Ukuthanda Umakhelwane Wakho Yikho Okuqakatheke Kakhulu Yini?—*rs* k. 104 ¶6 (5 imiz.)

❑ Umhlangano weNkonzo:

Ingoma 73

10 imiz: Singabaphathisa Njani Abanye Ngalokho Abakudingayo. Inkulumo enikwa ngumdala etholakala ku-*Nqabayokulinda* yesiNgisi ka-November 1, 2013, amakhasi 8-9.

10 imiz: Kuyini Okungasinceda Ukuthi Singatshaywa Luvalo Nxa Sisekutshumayeleni? Ingxoxo kusetshenziswa imibuzo elandelayo: (1) Umthandazo ungasinceda njani ukuthi singatshaywa luvalo nxa siqoqoda emnyango? (2) Kungani ukulungiselela kuhle kusinceda ukuthi singatshaywa kakhulu luvalo? (3) Kuyini okungasinceda ukuthi singatshaywa luvalo nxa sitshumayela lombonisi wesiqinti? (4) Kungani ukuphuma zikhathi zonke ekutshumayeleni kunceda ukuthi singabi lovalo? (5) Kuyini okukuncede ukuthi ungatshaywa luvalo?

10 min: “Lingisela Abaphrofethi—UHoseya.” Imibuzo lezimpendulo.

Ingoma 113 loMthandazo

Lingisela Abaphrofethi—UHoseya

¹ “Kuyini engizimisele ukukwenzela uJehova?” Kungenzakala ukuthi wake wazibuza umbuzo lo lapho ucabangisisa ngabo bonke ubuhle kanye lesihawu sikaJehova. (Hubo. 103:2-4; 116:12) UHoseya wazimisela ukwenza lokho uJehova ayemlaye

1. Yiwuphi umbuzo okungenzakala ukuthi wake wazibuza wona?

ukuthi akwenze, lanxa lokho kwakusitsho ukuthi azidele. Singamlingisela njani uHoseya?

² **Tshumayela Ngezikhathi Ezinzima:** Umlayezo kaHoseya wawuqondiswe embusweni wezizwe ezilitshumi zaku-Israyeli ngenxa yokuthi kwakusile kancane ukuthi ukukhonzwa kweqiniso kuphele. Inkosi uJerobhowski wesibili yenza izinto ezimbi phambi kukaJehova yaqhubekisela phambili ukukhonzwa kwethole okwakuqaliswe nguJerobhowski wokuqala. (2 AmaKho. 14:23, 24) Amakhosi abusa ngemva kwakhe lawo athuthukisa ukukhonzwa kwamanga embusweni wezizwe ezilitshumi kwaze kwaba yikubhidlizwa kombuso lo ngo-740 B.C.E. Lanxa ukukhonzwa kwamanga kwakubhahile, uHoseya waqhubeka esebenza njengophrofethi othembekileyo okweminyaka engaba ngu-59. Lathi sizimisele yini ukuqhubeka sitshumayela zikhathi zonke lanxa abantu besiphikisa kumbe bengalifuni iqiniso?—2 Tim. 4:2.

³ **Cabanga Ngesihawu sikaJehova:** UJehova watshela uHoseya ukuthi athathe “umfazi oyisifebe.” (Hos. 1:2) Lanxa umfazi wakhe uGomeri wamazela indodana, ngokuhamba kwesikhathi wazala abanye abantwana ababengasibo bakaHoseya. Ukuzimisela kukaHoseya ukuxolela umkakhe kwatshengisa ukuthi uJehova wayelesihawu esikhulu kuma-Israyeli okokuthi wawaxolela lapho ephenduka ezonweni zawo. (Hos. 3:1; Rom. 9:22-26) Sizimisele yini ukutshela abantu bonke ngesihawu sikaJehova lanxa ukwenza njalo kusitsho ukubeka eceleni esikuthandayo?—1 Khor. 9:19-23.

⁴ Ezinye izinceku zikaJehova zitshiye imisebenzi elemali ukuze zisebenze isikhathi esinengi enkonzweni. Ezinye zikhethe ukungatshadi loba ukungabi labantwana ukuze zenze okunengi okuphathelane loMbuso. Nxa sikhumbula ngempilo kaHoseya, singahle sizitshela ukuthi, ‘Ngeke ngikwenze mina lokho okwenziwa nguHoseya.’ Lanxa kunjalo, uJehova angasisebenzisa ngezindlela ebesingeke sicabange ukuthi angasisebenzisa ngazo. Lokho ukwenza kuphela nxa sitshengisa ukuthi siyabonga ngomusa wakhe njalo sikholwa emandleni omoya wakhe ongcwele njengoHoseya.—Mat. 19:26; Flp. 2:13.

2. Singasilingisela njani isibonelo esihle sikaHoseya sokukhuthazela emsebenzini wokutshumayela?
3. Impilo kaHoseya yatshengisa njani ukuthi uJehova ulesihawu?
4. Yikuphi esingazimisela ukukwenzela uJehova?

IVIKI ELIQALISA NGO-NOVEMBER 18

Ingoma 20 loMthandazo

❑ Isifundo seBhayibhili seBandla:

jl Izifundo 8-10 (30 imiz.)

❑ Isikolo seNkonzo samaKhristu:

Ukubalwa kweBhayibhili: KumaHebheru 9-13 (10 imiz.)

No. 1: KumaHebheru 10:19-39 (4 imiz. kumbe engaphansi)

No. 2: Ukuba Lobudlelwano Obuhle loNkulunkulu Yikho Okuqakathekileyo Yini? —*r*s k. 105 ¶1-2 (5 imiz.)

No. 3: Izindlela Esingaduduza Ngazo Abanye—Rom. 15:4; 2 Khor. 1:3, 4 (5 imiz.)

❑ Umhlangano weNkonzo:

Ingoma 10

10 imiz: Ibhokisi Lemibuzo. Ingxoxo.

10 imiz: “Ngilapha Ngoba . . . ” Ingxoxo. Ngemva kwalokho, tshono okuzahanjiswa ngo-December njalo kakube lesiboniso esisodwa kumbe ezimbili kusetshenziswa ama-cebo akuleso sihloko.

10 imiz: UJehova Uyayilalela Imithandazo Yezinceku Zakhe. (1 Joh. 3:22) Ingxoxo etholakala ku-*Yearbook* ka-2013, ikhasi 91, izindima 2-3, lasekhasini 108-109. Cela izilaleli zitsho ezikufundileyo.

Ingoma 56 loMthandazo

IBHOKISI LEMIBUZO

■ Udade kumele amboze ikhanda yini nxa ehamba lomzalwane ukuyafunda lomuntu iBhayibhili bese-mnyango?

Nxa udade efundisa umuntu iBhayibhili okwesikhathi esithile esihleliweyo futhi ehamba lomzalwane, kumele amboze ikhanda. (1 Khor. 11:3-10) *INqabayokulinda* yesiNgisi ka-July 15, 2002, ikhasi 27 ithi: “Le yingxenyehleliweyo yokufundisa lapho lowo ofundisayo akhokhela khona kuleso sifundo. Ezimweni ezinjalo, isifundo siba yingxenyehbandla. Nxa udade efundisa umuntu iBhayibhili ehamba lomzalwane obhabhathiziweyo, kumele amboze ikhanda.”

Lokhu kumele kwenziwe kungelani lokuthi isifundo senzela endlini, emnyango kumbe kweyinye nje indawo.

Okunye yikuthi nxa isifundo seBhayibhili esenzelwa emnyango singakabi yisifundo esihlelekileyo, udade ngeke kudingakale ukuthi amboze ikhanda ngesikhathi ehamba lommemezeli wombuso wesilisa, lanxa injongo yokuphindela lokho ingeyokutshengisa ukuthi isifundo seBhayibhili senziwa njani kumbe ingeyokuxoxa ngesihloko esithile esikwamanye amabhuku asetshenziswa ekufundiseni iBhayibhili. Njengoba izifundo ezenzelwa emnyango ziqaliswa kancane kancane, futhi kuphindelwa kuzo ngendlela ephumelelayo, abamemezeli bangahlola izimo ukuze babone lapho okumele bamboze khona ikhanda.

“Ngilapha Ngoba . . . ”

Nxa abaninimuzi bevula iminyango yabo njalo besibona, bayamangala ukuthi kanti singobani futhi sifunani. Kuyini esingakutsho nxa sizethula kubo ukuze sibenze bahlaliseke? Ngemva kokubingelela umninimuzi abanye abamemezeli bangathi

“ngilapha ngoba” ukuze bachaze okunengi. Ngokwesibonelo, bangathi: “Sikuvakatshele *ngoba* omakhelwana abanengi bakhathekile ngobugebengu. Ucabanga ukuthi . . . ” kumbe “Ngilapha *ngoba* ngifunda labantu iBhayibhili mahala.” Nxa umninimuzi angatshelwa ekuqaliseni ukuthi *kungani* umvakatshele, angafuna ukukulalela *lokho* ozakutsho.

IVIKI ELIQALISA NGO-NOVEMBER 25

Ingoma 122 loMthandazo

□ Isifundo seBhayibhili seBandla:

Il Izifundo 11-13 (30 imiz.)

□ Isikolo seNkonzo samaKhristu:

Ukubalwa kweBhayibhili: UJakhobe 1-5 (10 imiz.)

No. 1: UJakhobe 1:22–2:13 (4 imiz. kumbe engaphansi)

No. 2: Indlela Uthando Oluxotsha Ngayo Ukwesaba—1 Joh. 4:16-18 (5 imiz.)

No. 3: Kwanele Yini Ukuzifundela Wedwa iBhayibhili? —rs k. 105 ¶3-4 (5 imiz.)

□ Umhlangano weNkonzo:

Ingoma 95

10 imiz: Izindlela Zokuhambisa Amamagazini ngo-December. Ingxoxo. Sebenzisa imizuzwana engu-30 kusiya kwengu-60 uchaza ukuthi kungani amamagazini ezakhanga abantu ensimini yakini. Usebenzisa isihloko esisekuqaliseni kwe-*Nqabayokulinda*, cela izilaleli ukuthi zitsho imibuzo engakhanga abantu ensimini njalo uzicele lokuthi zitsho lombhalo ezingawubala. Yenza okufananayo nge-*Awake!* njalo nxa isikhathi sivuma, ungakhuluma ngezinye izihloko ezikumamagazini la. Kakube lesiboniso sokuthi imagazini ngayinye ingahanjiswa njani. Xoxani futhi ngentshumayelo eyisibonelo yokuhanjiswa kwe-*Kingdom News* No. 38.

10 imiz: Kumele Uphendule Njani? Inkulumbo etholakala ebhukwini elithi *Ministry School*, ikhasi 69, izindima 1-5. Kakube lesiboniso somme-mezeli ophendula umbuzo womuntu afunda laye iBhayibhili futhi lowomuntu ofundelwayo kumele enze isinqumo ngaleyo ndaba. Lowo ofundelwayo uyabuzisa ukuthi, “Ngabe ubuyimi, ubuzakwenzisa njani?”

10 imiz: “Izihloko Ezandise Ukuphuma Ezingasinceda eNkonzweni Yethu.” Imibuzo lezimpendulo. Kakube lesiboniso esifitshane secebo elisendimeni 3 kusetshenziswa ingxenye esesihlokweni esisanda kuphuma esithi “Ingxoxo Lomakhelwana.”

Ingoma 45 loMthandazo

na.” Izihloko lezi ezandise ukuphuma zihlose izinto ezimbili—ukufundisa izimfundiso zeBhayibhili ngendlela ekhangayo kanye lokusitshengisa izindlela esingabonisa ngazo ngokuhlakani-pha nxa sikhuluma ngezinye izihloko ezitshiyeneyo. (1 Phe. 3:15) Singazisebenzisa njani ngendlela ephumelelayo izihloko lezi?

² Zisebenzise eNkonzweni: Ungagcina amanye amakhophi e-*Nqabayokulinda* alaleso sihloko esitholakala ezihlokwini lezi ezandise ukuphuma. Nxa umninimuzi, umuntu olesifiso sokufunda, kumbe umuntu ofunda laye iBhayibhili ebuza umbuzo kumbe kulokunye angavumelani lakho okwakhulunywa ngakho kulezo zihloko, mnike ikhophi elesihloko leso njalo ucele ukuthi lixoxe ngaso. Nxa ungelayo ikhophi yemagazini eyayikhuluma ngaleso sihloko, ungazidawunilodela ku-jw.org.

³ Ungaxoxa njani lomunye umuntu usebenzisa lezizihloko? Abanye bacela lowo muntu abaxoxa laye ukuthi abale ngelizwi eliphezulu amazwi kamakhelwana, bona besebela amazwi kaFakazi. Babone ukuthi ukusebenzisa indlela le esangxoxo kuyasebenza ngoba kwenza ukuthi umuntu okuxoxwa laye ahlole lokho esikukholwayo ngendlela ezamenza ukuthi angazizwa angani uyahlaselwa. —Dute. 32:2.

⁴ Zifundise Wena, Ufundise Labanye: Njengo-ba ubala izihloko lezi, nanzelela imibhalo, imizekeliso kanye lendlela yokubonisa esetshenzisweyo. Nanzelela futhi indlela udaba lwakhona olubekwe ngayo. Zama ukusebenzisa indlela efananayo enkonzweni yakho. (Zaga. 1:5; 9:9) Omunye udade wathi, “Ukubala izihloko lezi kunjengokufunda kwelinye iphayona ‘eliyingcitshi’—elikwaziyo ukuthi yikuphi okuqondileyo okumele likutsho!”

⁵ Ungasebenzisa izibonelo ezibhaliweyo ukunceda ofunda labo iBhayibhili ukuthi balungele ukutshumayela. Balani ndawonye okusesihlokwini, unike ofunda laye ingxenye yommemezeli. Ngokwenza njalo, labo ofunda labo iBhayibhili bazabe befundela ukutshela abanye ngabakukholwayo, futhi bekwenza ngokukhetha kuhle amabala abawasebenzisayo ukuze bangacaphuli abanye enkonzweni. Kuliqiniso ukuthi izihloko lezi ngezinye zezindlela uJehova asinceda ngazo ukuthi ‘siyifeze yonke’ inkonzo yethu.—2 Thim. 4:5.

Izihloko Ezandise Ukuphuma Ezingasinceda eNkonzweni Yethu

¹ Ngezinye izikhathi, *INqabayokulinda* kazulu wonke iba lezihloko ezithi “Ingxoxo Lomakhelwana”

1. Izihloko ezandise ukuphuma ezithi “Ingxoxo Lomakhelwana” zihlose ziphi izinto ezimbili?

2. Singazisebenzisa njani enkonzweni yethu izihloko lezi ezandise ukuphuma?

3. Ungaxoxa njani lomninimuzi usebenzisa lezizihloko?

4. Singazifundisa njani sisebenzisa lezizihloko ezandise ukuphuma?

5. Singabanceda njani esifunda labo iBhayibhili ukuthi bakulungele ukutshumayela?

IVIKI ELIQALISA NGO-DECEMBER 2

Ingoma 123 loMthandazo

□ Isifundo seBhayibhili seBandla:

jl Izifundo 14-16 (30 imiz.)

□ Isikolo seNkonzo samaKhristu:

Ukubalwa kweBhayibhili: 1 UPetro 1-2 UPetro 3 (10 imiz.)

No. 1: 1 UPetro 2:18-3:7 (4 imiz. kumbe engaphansi)

No. 2: Inkolo Eqondileyo Isekelwe eBhayibhili ni Njalo Yenza Ibizo likaNkulunkulu Lazive—rs k. 106 ¶1-2 (5 imiz.)

No. 3: Okwenza Sibe Leqiniso Lokuthi uJesu unguMesiya—Luk. 24:44; Gal. 4:4 (5 imiz.)

□ Umhlangano weNkonzo:

Ingoma 116

5 imiz: Izindlela Zokuhambisa Amamagazini Kanye le-*Kingdom News* No. 38. Ingxoxo esekelwe emibuzweni elandelayo: Nxa kusenza, kungani kumele sihambise amamagazini ngezimpelaviki ngesikhathi sihlanganyela ekuhambiseni i-*Kingdom News* No. 38? Yiwaphi amathuba afaneleyo okukwenza lokho? Kuyini esingakutsho nxa si-sethula imagazini ngemva kokuhambisa i-*Kingdom News*?

15 imiz: Usume Wakuzama Yini? Ingxoxo. Qala ngokwenza inkuluma emfitshane ekhuluma ngezihloko ezisanda kuphuma eziku-*Nkonzo Yethu YoMbuso* ezithi: “IWebhusayithi Yethu Esemthethweni, Yenzelwe Ukuthi Isincede Futhi Incede Labanye” (*km-E* 12/12), “Sebenzisa Amavidiyo Nxa Ufundisa” lesithi “Ngubani Ozathanda Ukubala Lokhu?” (*km-E* 5/13). Cela izilaleli zitsho ukuthi zince-dakale njani ngokusebenzisa amacebo akulezi zihloko.

10 imiz: Izidingo zebandla.

Ingoma 12 loMthandazo

Izaziso

■ Okuzahanjiswa ngo-**November lango-December:** *IBhayibhili Lifundisani Sibili?* kumbe iphetshana elithi *Ungathanda Ukulazi Iqiniso?* **Nanzelela:** Ku-zahanjiswa i-*Kingdom News* esikhundleni salokho obekumele kuhanjiswa ngo-December. **Ngo-January lango-February 2014:** Hambisa elinye lamabhukwana la elilamakhasi angu-32: *Izindaba Ezinhle Ezivela ku-Nkulunkulu!*, *Lalela UNkulunkulu*, kumbe elithi *Lalela UNkulunkulu Uphile Kuze Kube Nini Lanini*.

Izintshumayelo Eziyisibonelo

I-*Kingdom News* No. 38

“Ngenza umsebenzi owenziwa emhlabeni wonke wokuhambisa iphetshana leli elilomlayezo oqakathekileyo. Nanti elakho.”

Nanzelela: Ukuze lihlanganise insimu, yenza intshumayelo yakho ibe mfitshane. Kodwa ngezinye izikhathi, umninimuzi angatshengisa ukuthi uyakuthanda ukufunda iBhayibhili njalo ufisa ukuthi lixoxe. Nxa kungaba njalo, ungacela ukuthi atsho lokho akucabangayo ngombuzo osekhasini lokuqala, bala laye impendulo ye-Bhayibhili ekulelo phetshana njalo lixoxe ngokumunyethwe liphetshana leli kusiya ngesikhathi. Ungakehlukani laye, mtshengise umbuzo ongaphansi kwesihloko esithi “Okumele Ucabange Ngakho” ubusuhlela ukuthi ungaphenduka nini ukuze lizoxoxa ngawo.

INQABAYOKULINDA December 1

“Silokunengi kokwenza ezimpilweni zethu kulezinsuku okokuthi ngezinye izikhathi kuba nzima ukuthi sicabange ngoNkulunkulu. Ucabanga ukuthi kuqakathekile yini ukuba loNkulunkulu ezimpilweni zethu? [Melela impendulo.] Entshumayelweni yakhe yasentabeni, uJesu wathi ukuqondiswa yiLizwi likaNkulunkulu kwenza ukuthi sithokoze futhi sibusiswe. [Bala UMathewu 5:3.] Imagazini le iveza izizatho ezintathu ezitshengisa ukuthi kuqakathekile uku-ba loNkulunkulu ezimpilweni zethu.”

Awake!® December

“Inengi lethu siba lemibono esekelwe kulokho esikuzwayo emsakazweni kanye lesikubala kumaphephandaba. Ucabanga ukuthi izindaba esizamukelayo ngezeqiniso njalo singazethemba yini? [Melela impendulo.] IBhayibhili lisikhuthaza ukuthi siqaphele ukuthi singakholiwa yonke into esiyizwayo. [Bala UJobe 12:11.] Imagazini le isinika amacebo angasinceda ukuthi singahlola njani lokho esikuzwayo kanye lesikubalayo.”

